

Fallhlífasamband Íslands

# LÖG FALLÍS



Útgáfa 1.

## EFNISYFIRLIT

FORSÍÐA .....	<b>Error! Bookmark not defined.</b>
EFNISYFIRLIT .....	<b>Error! Bookmark not defined.</b>
1 FALLHLÍFASAMBAND ÍSLANDS .....	<b>Error! Bookmark not defined.</b>
1.1 Kynning .....	<b>Error! Bookmark not defined.</b>
1.2 Uppbygging og tengsl.....	<b>Error! Bookmark not defined.</b>
1.3 Tilgangur .....	1
1.4 Lög Fallhlífásambands Íslands .....	<b>Error! Bookmark not defined.</b>

# 1 FALLHLÍFÁSAMBAND ÍSLANDS

## 1.1 KYNNING

Þessi kafli mun útskýra hvað Fallhlífásamband Íslands (FALLÍS) er, hvernig það er byggt upp, hvaða tengsl það hefur og hver lög og tilgangur þess er. FALLÍS hefur hlotið viðurkenningu Samgöngustofu sem viðurkenndur fallhlífaklúbbur samkvæmt reglugerð um fallhlífartökk 652/2010. Allt fallhlífartökk á vegum FALLÍS skal vera framkvæmt samkvæmt ofangreindri reglugerð og öryggisreglum FALLÍS sem samþykktar eru af Samgöngustofu.

## 1.2 UPPBYGGING OG TENGL

Fallhlífásamband Íslands er regnhlífásamtök fallhlífaklúbba og fallhlífastökkvara. FALLÍS er aðili að Flugmálafélagi Íslands (FMÍ). FMÍ er fulltrúi Federation Aeronautique Internationale (FAI) á Íslandi.

## 1.3 TILGANGUR

**1.gr.** Að sameina alla klúbba áhugafólks um fallhlífastökk, styrkja heild og stuðla að vexti og viðgangi fallhlífastökks á Íslandi.

**2.gr.** Að efla almenna þekkingu á fallhlífastökki og stuðla að þjálfun félagsmanna.

**3.gr.** Að halda Íslandsmót og samkomur í fallhlífastökki og annast þátttöku Íslands í alþjóðlegum mótum.

**4.gr.** Að gæta hagsmuna félaga og klúbba og koma fram fyrir þeirra hönd gagnvart innlendum og erlendum aðilum.

**5.gr.** Að setja öryggisreglur um fallhlífastökk samkvæmt reglugerð um fallhlífarstökk 652/2010 og hafa eftirlit með að þeim sé framfylgt af meðlimum FALLÍS.

**6.gr.** Að útnefna fulltrúa á Norðurlandafundi og IPC fundi.

**7.gr.** Að aðstoða við rannsóknir á orsökum slysa og óhappa í fallhlífastökki og bjóða fram sérfræðiaðstoð til lögreglu, flugmálayfirvalda og aðra aðila sem koma að rannsóknum.

**8.gr.** Að vera stjórn FMÍ til ráðgjafar um málefni fallhlífastökks og bjóða sig fram sem fulltrúi FMÍ í nefndum og ráðum FAI og Flugmálasambandi Norðurlanda er varða fallhlífastökk.

## 1.4 LÖG FALLHLÍFA-SAMBANDS ÍSLANDS

**1.gr.** Félagið heitir Fallhlífásamband Íslands, skammstafað FALLÍS og er aðili að Flugmálafélagi Íslands. Heimili þess og varnarþing er í Reykjavík.

**2.gr.** Félagar eru einstaklingar og klúbbar áhugafólks um fallhlífastökk sem greitt hafa tilskilið árgjald til FALLÍS á undangengnum 12 mánuðum. Öllum þeim sem stunda sportfallhlífastökk er skylt að hafa gilt fallhlífastökksskírteini.

**3.gr.** Árgjald til FALLÍS er ákveðið á aðalfundi þess til eins árs í senn. Atkvæðisrétt á aðalfundi hafa aðeins þeir félagar sem hafa greitt árgjald til FALLÍS á undangegnum 12 mánuðum.

**4.gr.** Aðalfund FALLÍS skal halda í febrúar eða mars ár hvert. Hefur hann æðsta vald í málefnum FALLÍS með þeim takmörkunum sem lög þessi setja. Til hans skal boða í tölvupósti til skráðra meðlima, á samfélagsmiðlum eða öðrum sambærilegum leiðum sem ætla má ná til sem flests áhugafólks um fallhlífastökk. Aðalfund skal boða með 7 daga fyrirvara skemmst og telst hann þá lögmætur. Afl atkvæða ræður úrslitum mála, nema annars sé getið í lögum þessum, sbr. 7. og 14. gr.

**5.gr.** Dagskrá aðalfundar skal vera; liður D annað hvert ár (nema til komi sérstakar ástæður):

- A. Skýrsla stjórnar um starfsemi FALLÍS sl. starfsár.
- B. Reikningar FALLÍS lagðir fram til samþykktar.
- C. Lagabreytingar.
- D. Kosning forseta, gjaldkera, ritara og varamanns.
- E. Ákvörðun árgjalds til FALLÍS.
- F. Önnur mál.

**6.gr.** Reikningsár FALLÍS er frá 1. Janúar til 31. Desember.

**7.gr.** Lögum FALLÍS verður aðeins breytt á aðalfundi þess. Í fundarboði skal þess getið sérstaklega ef tillaga eða tillögur til lagabreytinga verður tekin til meðferðar og efni hennar (þeirra) lýst. Nái tillaga til lagabreytingar samþykki 2/3 hluta fundarmanna öðlast hún gildi að fengnu samþykki stjórnar FMÍ. Engar breytingar má gera á lögum FALLÍS sem ekki samræmast lögum og samþykktum FMÍ.

**8.gr.** Stjórn FALLÍS skal skipuð forseta, gjaldkera, ritara og einum varamanni. Forseta skal kjósa sérstaklega til tveggja ára í senn, nema til komi vantraust eða forseti biðjist undan embætti. Aðrir stjórnarmenn skulu kjörnir á aðalfundi. Hver klúbbur með virka aðild að FALLÍS sem ekki á kjörinn fulltrúa í stjórn getur að auki skipað einn meðstjórnenda í stjórn FALLÍS. Forseti stjórnar á jafnframt sæti í stjórn FMÍ og gjaldkeri til vara.

**9.gr.** Stjórn FALLÍS ræður málefnum sambandsins með þeim takmörkunum sem lög þess setja. Hún tekur nánari ákvörðun um starfsemi sambandsins og ber ábyrgð á fjárreiðum þess. Hún skuldbindur sambandið aðilum þess og er undirskrift forseta og eins annars stjórnarmanns nægileg til þess.

**10.gr.** Stjórnarfundur skal halda svo ört sem þurfa þykir. Skal til þeirra boða með tryggilegum hætti og með a.m.k. eins dags fyrirvara. Stjórnarfundur er ályktunarbær ef meirihluti stjórnarmanna mætir, þ.m.t. forseti eða varaforseti. Afl atkvæða ræður úrslitum mála á stjórnarfundum. Falli atkvæði jafnt ræður atkvæði forseta eða varaforseta í fjarveru forseta úrslitum. Gerðir stjórnarinnar skulu færðar í fundagerðarbók.

**11.gr.** Stjórn FALLÍS getur, þegar ástæða þykir til boðað til auka aðalfundar sem hefur sama vald og aðalfundur skv. 4.gr. Þá geta 2/3 atkvæðisbærra félaga krafist auka aðalfundar með bréfi til stjórnar FALLÍS. Skal þar getið mála þeirra sem óskast tekin til meðferðar. Boða skal til auka aðalfundar eigi síðar en fjórum vikum eftir að krafan barst til stjórnar FALLÍS. Til auka aðalfundar skal boðað skv. 4.gr.

**12.gr.** Stjórn FALLÍS má skipa sérstakar nefndir til að starfa að ákveðnum málefnum eða verkefnum eftir því sem ástæða þykir til og skulu slíkar nefndir starfa eftir þeim reglum er stjórnin setur. Nefndarmenn þurfa ekki að vera stjórnarmenn.

**13.gr.** Stjórn FALLÍS skal skipa öryggisfulltrúa sem er eftirlitsmaður öryggis í íslensku fallhlífastökki. Undir hann heyrir umsjón og útgáfa skírteina og umsjón annarra réttinda. Öryggisfulltrúinn þarf ekki að vera í stjórn FALLÍS. Hann skal skipa starfsmann (öryggisráðgjafa) í hverjum klúbbsi í samráði við stjórn viðkomandi klúbbs.

**14.gr.** Úrsögn úr FALLÍS tekur aðeins gildi um áramót. Skal úrsögnin vera skrifleg og berast til stjórnar FALLÍS fyrir 30. september. Úrsögnin skal vera í samræmi við lög viðkomandi aðila. Aðalfundur FALLÍS getur vikið einstaklingi eða klúbbsi úr sambandinu ef viðkomandi hefur ítrekað brotið gegn lögum eða reglum þess og ekki sinnt viðvörðunum.

**15.gr.** FALLÍS verður einungis slitið á fundi sem sérstaklega hefur verið til boðað í því skyni og verður a.m.k. 3/5 hluti atkvæðisbærra félagsmanna að vera mættur og 3/4 hlutar þeirra samþykkur slitum sambandsins. FALLÍS verður aðeins slitið að fengnu samþykki stjórnar FMÍ. Verði sambandsslit ákveðin skal stjórn FMÍ falin umsjón eigna þess þar til annað samband í svipuðum tilgangi hefur verið stofnað og ganga þá eignirnar til hins nýja sambands. Grein þessari verður ekki breytt.